

Ch' Noé d'ech cartonneu



Enui os sonmes ch'24 ed déchimbe. I fait frod. Din chés masons, in prépare ch'rèveillon. Chés éfants is vont déposer leu kauchure ach pied d'ech sapin.

Tchot-Bér, li, i n'o pus ed mason. I reste din l'rue ! Pour vive, i ramasse chés cartons qu'i vo vinde pour avoir in molé d'sous pour acater à minger. Enui, i fait comme chés éfants : i vo mette ses kauchures treuées ach pied d'ech sapin.

El lindmain, in ramassant chés cartons, i vo vir si ch'Père Noé i est passé ! Rien, point éne oranche, in chuke, éne coquille ! Meme ch'Père Noé i l'o oblié... Din chés rues, os intindons chés clokes et pi Tchot-Bér i s'met à brère !

Et pi tout en bréyant, i o pinsé qu'avec tous chés cadeaux erchus pour Noé, y aurait gramin ed cartons à ramasser ! Ben, cha fro in molé d'sous in pus pour li !

Tout douchemint, i vo dvant ch'sapin. I met ses kauchures. Pi lo, oui, lo, i sint éne douche et pi agréabe chaleur à ses pieds. I n'in brèt ed joie ! Mais oui, ch'Père Noé, i avoait pinsé à li ! Ses kauchures is sont rassémélées ! Ch'est sin cadeau à li !



D'après in conte ed Laurent Devîme

© ARLP 2023-2024

Ch' Noé d'ech cartonneu



Enui os sonmes ch'24 ed déchimbe. I fait frod. Din chés masons, in prépare ch'rèveillon. Chés éfants is vont déposer leu kauchure ach pied d'ech sapin.

Tchot-Bér, li, i n'o pus ed mason. I reste din l'rue ! Pour vive, i ramasse chés cartons qu'i vo vinde pour avoir in molé d'sous pour acater à minger. Enui, i fait comme chés éfants : i vo mette ses kauchures treuées ach pied d'ech sapin.

El lindmain, in ramassant chés cartons, i vo vir si ch'Père Noé i est passé ! Rien, point éne oranche, in chuke, éne coquille ! Meme ch'Père Noé i l'o oblié... Din chés rues, os intindons chés clokes et pi Tchot-Bér i s'met à brère !

Et pi tout en bréyant, i o pinsé qu'avec tous chés cadeaux erchus pour Noé, y aurait gramin ed cartons à ramasser ! Ben, cha fro in molé d'sous in pus pour li !

Tout douchemint, i vo dvant ch'sapin. I met ses kauchures. Pi lo, oui, lo, i sint éne douche et pi agréabe chaleur à ses pieds. I n'in brèt ed joie ! Mais oui, ch'Père Noé, i avoait pinsé à li ! Ses kauchures is sont rassémélées ! Ch'est sin cadeau à li !



D'après in conte ed Laurent Devîme

© ARLP 2023-2024